

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
**Komisija za izbor i imenovanja**

Broj: 02/6-02-247/25  
Sarajevo, 16.1.2025. godine

**DOMU NARODA  
PARLAMENTA FEDERACIJE  
BOSNE I HERCEGOVINE**

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO** B

Primijeno: 16-01-2025

Org. jed.	Broj	Priloga	Vrijed.

Komisija za izbor i imenovanja Doma naroda Parlamenta Federacije Bosne i Hercegovine, na 8. sjednici, održanoj 16. januara 2025. godine, razmatrala je:

- **Izbor sudija Ustavnog suda Federacije BiH**

Na osnovu člana 51., a u vezi sa članom 60. Poslovnika o radu Doma naroda Parlamenta Federacije Bosne i Hercegovine, Komisija za izbor i imenovanja podnosi Domu naroda sljedeći

### IZVJEŠTAJ

- **Izbor sudija Ustavnog suda Federacije BiH**

1. **Prijedlog kandidata za sudiju Ustavnog suda koji je Domu naroda dostavljen 13.04.2023. godine**

Visoko sudsko i tužilačko vijeće BiH je dostavilo Prijedlog kandidata za sudiju Ustavnog suda Federacije predsjedniku i potpredsjednicima Federacije 30.12.2022. godine i Domu naroda 13.04.2023. godine sa prijedlozima za imenovanje jednog kandidata za sudiju Ustavnog suda Federacije BiH, budući da je sutkinja Kata Senjak (Hrvatica) stekla uslove za penzionisanje 14.1.2023. godine. U skladu s tim potrebno je da Dom naroda potvrdi imenovanje jednog sudije iz reda hrvatskog naroda s Liste kandidata dostavljene od strane VSTV-a.

Predsjednica Federacije BiH je obavijestila Dom naroda Parlamenta Federacije BiH da je prethodni predsjednik Federacije 26.1.2023. godine donio Odluku o imenovanju sudije Ustavnog suda Federacije BiH na koju saglasnost nisu dali potpredsjednici Federacije BiH. Uz ovaj dopis predsjednica Federacije je dostavila i Prijedlog kandidata za sudiju Ustavnog suda Federacije BiH koji je dostavljen i Domu naroda Parlamenta Federacije BiH, 13.04.2023. godine.

Po ovoj konkursnoj proceduri VSTV je utvrdilo listu od jedanaest kandidata koji su svrstani u četiri grupe, u skladu sa dobijenom opisnom ocjenom, i to:

- a) Grupa I- ocjena odličan,
- b) Grupa II- ocjena vrlo dobar,
- c) Grupa III- ocjena dobar i
- d) Grupa IV- ocjena zadovoljava.

**Grupa I (odličan)**

1. Džumhur Jasminka
2. Mijić Monika
3. Osmić Senad

**Grupa II (vrlo dobar)**

1. Barun Boris
2. Hadžagić Tanja
3. Hadžavić Izmir
4. Škarica Željko
5. Zuparević Samir

**Grupa III (dobar)**

1. Ljevaković Ramo
2. Vuleta Aleksandra

**Grupa IV (zadovoljava)**

1. Saller-Osenk Danijela

Amandmanom CXXIII stav (4) na Ustav Federacije Bosne i Hercegovine je propisana procedura odlučivanja o potvrđivanju jednog najviše rangiranog kandidata iz reda relevantnog konstitutivnog naroda ili iz reda Ostalih s liste koju je dostavilo Visoko sudsko i tužilačko vijeće Bosne i Hercegovine u situaciji kada predsjednik Federacije uz saglasnost potpredsjednika ne predloži kandidate za sva upražnjena mjesta u roku od 30 dana od dana kada je Visoko sudsko i tužilačko vijeće Bosne i Hercegovine dostavilo listu. Navedeni amandman glasi:

„(4) Ukoliko predsjednik uz saglasnost potpredsjednika ne predloži kandidate za sva upražnjena mjesta u roku od 30 dana od dana kada je Visoko sudsko i tužilačko vijeće Bosne i Hercegovine dostavilo listu ili od dana glasanja putem kojeg je Dom naroda odbio da potvrdi kandidate predložene u skladu sa stavom (2) ovog člana, Dom naroda većinom glasova delegata koji su prisutni i glasaju odlučuje o potvrđivanju jednog najviše rangiranog kandidata iz reda relevantnog konstitutivnog naroda ili iz reda Ostalih s liste koju je dostavilo Visoko sudsko i tužilačko vijeće Bosne i Hercegovine. Ukoliko kandidat ne dobije potrebnu većinu, Dom naroda odlučuje o drugim kandidatima iz reda potrebnog konstitutivnog naroda ili iz reda Ostalih prema redoslijedu na rang listi koju je dostavilo Visoko sudsko i tužilačko vijeće Bosne i Hercegovine. Ovaj postupak će se ponavljati sve dok se sva upražnjena mjesta ne popune. Ukoliko na listi kandidata ne ostane nijedan sudija iz reda potrebnog konstitutivnog naroda ili iz reda Ostalih, Visoko sudsko i tužilačko vijeće Bosne i Hercegovine dostavlja novu listu kandidata.”.

## 2. Prijedlog kandidata za sudiju Ustavnog suda koji je Domu naroda dostavljen 6.1.2025. godine

Predsjednica Federacije BiH je 6.1.2025. godine obavijestila Dom naroda Parlamenta Federacije BiH da je u Ustavom Federacije BiH predviđenom roku donijela Odluku o imenovanju Slaviše Bjelogrića za sudiju Ustavnog suda Federacije BiH iz reda srpskog naroda. Na ovu odluku saglasnost nisu dali potpredsjednici Federacije BiH.

Uz ovaj dopis dostavljen je Prijedlog kandidata za sudiju Ustavnog suda Federacije BiH koji je predsjedniku i potpredsjednicima Federacije dostavilo Visoko sudsko i tužilačko vijeće BiH 28.11.2024. godine a predsjednica Federacije dostavila Domu naroda 6.1.2025. godine.

Na konačnoj rang listi se nalazi sedam kandidata koji su rangirani po osvojenim prosječnim ocjenama kako slijedi:

Prezime i ime	Broj bodova	Rang	Nacionalnost	Pol
Bjelogrić Slaviša	4,83	1	Srbin	Muški
Šapina Damir	4,5	2	Hrvat	Muški
Vuleta-Pavelka Anja	4,33	3	Srbin	Ženski
Abdić Adis	4,0	4	Bošnjak	Muški
Hadžagić Tanja	3,83	5	Ostali	Ženski
Šabić Smajo	3,83	6	Bošnjak	Muški
Gašović Ognjen	3,33	7	Srbin	Muški

Ustavni sud Federacije BiH u svom mišljenju broj: 3-59-6124 od 13.11.2024. ističe da bi u skladu sa Ustavom Federacije Bosne Hercegovine u ovoj proceduri morao biti imenovan sudija iz reda srpskog konstitutivnog naroda, jer bi u suprotnom u Ustavnom sudu Federacije Bosne i Hercegovine ostao samo jedan sudija iz reda tog naroda, što bi posljedično dovelo do nemogućnosti popune Vijeća za zaštitu vitalnih interesa i popune suda u skladu sa imperativnom ustavnom odredbom.

Komisija je nakon razmatranja ove dvije liste odlučila da predloži Domu naroda da provede proceduru imenovanja sudija Ustavnog suda Federacije BiH, iz reda hrvatskog i srpskog naroda, propisanu Ustavom Federacije Bosne i Hercegovine.

Za izvjestioca na sjednici Doma naroda određen je Milan Ševo, predsjednik Komisije.

**PREDSJEDNIK KOMISIJE**

Milan Ševo